

杜氏通典

第一函
第八冊

通典卷六十六

唐 京 兆 杜 佑 君 卿 纂

禮二十六 嘉十一

輦與夏 殷 周 秦 漢 魏 晉 東晉 宋 齊 梁 後魏 隋 大唐

夏氏末代制輦

按輦人所輦也傳元子曰夏名輦曰輿車

殷曰胡奴車

周曰輜車即輦也

不知何代去其輪司馬法曰夏后氏二十人而輦殷十八人而輦周十五人而

輦王后輦車組輓有輦羽蓋

為輦輪人輓之以行有輦所以禦風塵也以羽作小蓋為輦日

秦以輦為人君之乘

漢因之以雕玉為之方徑

六尺或使人輓之或駕果下馬

魏晉小出則乘輦亦名乘輿

東晉過江亡其制度至太元中謝安率意造焉

及破苻堅於淮上獲京都舊輦形制無差義熙五年劉裕執慕容超獲金鉦輦

宋因之

按小輿輦車今輦車之流

齊因之

而盛增其飾竹蓬箱外鑿鑲金薄碧紗衣織成范

徒見反

錦衣箱裏及仰頂隱膝後戶金塗鑲面釘瑇瑁帖金塗松

精登仙花細綠四望紗萌子上下前後肩鑲鑲轆枕長角龍白牙蘭瑇瑁金塗校飾漆障形板在蘭前金銀花獸

攫天代龍師子鑲面榆花鈿金龍虎扶轆輓上金鳳凰鈴鑲銀口帶星後稍瑇瑁帖金塗花背銀星花獸幘竿杖

金塗龍牽縱橫長網又制臥輦校飾如坐輦不堪服用復制小輿形如輜車小行幸則乘之 梁制小輿似輜車

金裝漆畫施八橫元正大會乘出上殿西堂舉哀亦乘之行則從後又制步輿方四尺上施隱漆人輿上殿天子

至下賤通得乘之復制副輦加笨

步本反

如犢車通幃朱絡魏之蓬輦

後魏道武帝天興初始修軒冕制乾象輦

羽葆圓蓋晝日月五星二十八宿天街雪罕

星經曰昂畢為天街天子出施頭罕畢以前驅

山林奇瑞遊麟飛鳳朱雀元武騶虞青龍駕

二十四馬又制大樓輦車龍輦加玉飾四轂六衡方輿圓蓋金雞樹羽寶鐸旒蘇鸞雀立衡螭龍銜輓建太常畫

升龍日月駕二十牛又制象輦左右金鳳白鹿仙人羽葆旒蘇金鈴玉佩初駕二象後以六駝代之復有游觀小樓等輦駕十五馬車等草創修制多違舊章 隋制輦而不施輪通轆朱絡飾以金玉而人荷之又依梁制副輦復制輿如輦而小宮苑私宴御之小輿方形同幄帳自閣內升正殿御之 大唐制輦有七一曰大鳳輦二曰大芳輦三曰仙遊輦四曰小輕輦五曰芳亭輦六曰大玉輦七曰小玉輦輦有三一曰五色輦二曰常平輦三曰腰輦大駕鹵簿先五輅以行

旌旗夏 殷 周 秦 漢 後周

黃帝振兵教熊羆貔貅驅虎制陣法設五旗五麾 夏氏奚仲為車正建旗旂旐以別尊卑等級 殷因之 周

制司常掌九旗王建太常畫日月於纛首象天明也其制紅長九仞以素錦綢之以絳帛一幅為纛附於紅畫龍於纛上又屬十二旂於纛首長十二仞每旂皆畫交龍十三其紅首仍注五采羽於上

諸侯建旗從王田獵同建旂九旂象大火九星旂仞各隨命數孤卿建旆通帛為旆孤卿不畫言奉王

大夫士建物雜帛為物以素飾其側紅仞各隨命師都建旗熊虎為旗六卿六遠大夫謂之師都都

州里建旗鳥隼為旗畫鳥隼為旗縣鄙建旐龍蛇為旐象其扞難辟害道車

載旐道車象轅也王以朝夕燕出入所乘全羽為旐全羽析羽皆象文旂車載旐析羽為旐大麾以田夏后氏大帛以

卽戎正色之翻旌羽與朱羽採鴻雁輶紅三仞旂君射於境所用也畫秦水德旗旂皆尚黑其制未詳 漢制

龍旂九旂七仞以象大火鳥旗七旂五仞以象鶉火熊旗六旂五仞以象參伐龜蛇旐四旐四仞以象營室弧旌

枉矢以象弧也此諸侯以下之所建也 後周太常寺書辰日月旂畫青龍諸侯交龍旐畫朱鳥旌畫黃麟旗畫

白虎旐畫元武皆加雲氣其旐物在軍亦畫其事號加之以雲氣徽幟亦如之通帛為旐雜帛為物事號所書其

旌節又畫白虎而析羽於其上又司常掌旗物之藏通帛之旗六以供郊祀蒼赤黃白元等旗三辰之常畫續之旗六以供玉輅之等一曰三辰之常二曰青龍旗三曰朱雀旗四曰黃麟旗五曰白虎旗六曰元武旗皆左建旗而右建櫜戟又有繼旗四以施軍旅一曰麾以供軍將二曰旟以供師帥三曰旂伐音以供旅帥四曰旛以供卒長諸公方輅碧輅建旂金輅建旗象輅建物木輅建旒諸侯自金輅而下如諸公之旗諸伯自象輅而下如諸侯之旗諸子自犀輅而下如諸伯之旗諸男自篆輅而下如諸子之旗三公犀輅貝輅篆輅建旗旒夏篆夏縵及轅車建物孤卿以下各以其等其旗旌杠皇帝六仞諸侯五大夫四士三旂皇帝曳地諸侯及軹大夫及轂士及軫凡注毛於杠首曰綏析羽曰旌全羽曰旟其繆皇帝諸侯加以弧韞闔戟方六尺而被之以黼唯皇帝諸侯輅建焉

關載紅綱與旗同

鹵簿屬車附 秦 漢 後漢 晉 東晉 宋 後魏 隋 大唐

秦制大駕屬車八十一乘周制凡良車散車不在等者其用無常以給遊燕及恩惠之賜從軍所載財貨輜重之車之流周末諸侯有貳車九乘秦滅九國而兼其車服法駕半之左右分行其車皆皂蓋赤裏朱轡輜戈矛弩箴

故屬車八十一乘薛綜曰屬者相連屬也皆在後行過後屯圍乃得解罷所以戒不虞也淮南子曰軍正執豹皮

尚書御史所載最後一乘懸豹尾豹尾以前比省中小學漢官篇曰豹尾過後罷屯解圍胡廣曰施之道路故須

所以制正其衆也漢制乘輿大駕備車千乘騎萬匹屬車八十一乘公卿奉引太僕大將軍參乘祀天於甘泉

省中即今之仗內用之後漢明帝上原陵光武大喪並因前代為大駕用八十一乘祀天南郊則法駕用三十六乘河南尹執金

吾雒陽令奉引奉車郎御史侍中參乘前驅有九旂雲罕徐廣曰旂車九乘前史不記形也史記曰武王克紂百夫荷罕旗以先驅張平子東京賦曰雲罕九旂薛綜曰

罕旌旗名也鳳凰車闕戟車薛綜曰闕之為言垂也皮軒車鸞旗車後有金鉦車黃鉦車司馬法曰夏執元鉦黃鉦黃門鼓車

黃門令校駕祀天南郊祀地明堂宗廟尤省謂之小駕每出太僕奉駕中常侍小黃門副尙書主者郎令史副侍御史蘭臺令史副皆執注以督整車騎謂之護駕春秋上陵尤省於小駕直事尙書一人從 晉制大駕鹵簿先象車鼓吹一部十三人中道次靜室令駕一中道式道侯二人駕一分左右次洛陽尉二人騎分左右次洛陽亭長九人赤車駕一分三道鼓吹正二人引次洛陽令皂車駕一中道次河南中部掾中道河橋掾在左功曹史在右並駕一次河南尹駕駟戟吏六人次河南主簿駕一中道次河南主記駕一中道次司隸部河南從事中道都部從事居左別駕從事居右並駕一次司隸校尉駕三戟吏六人次司隸主簿駕一中道次司隸主記駕一中道次廷尉明法掾中道五官掾居左功曹吏居右並駕一次廷尉卿駕駟戟吏六人次廷尉主簿主記並駕一在左太僕引從如廷尉在中宗正引從如廷尉在右次太常駕駟中道戟吏六人太常外部掾居左五官掾功曹吏居右並駕一次光祿引從中道太常主簿主記居左衛尉引從居右並駕一次太尉外督令史駕一中道次東西捕賊倉戶等曹屬駕一引從次太尉駕駟中道太尉主簿舍人各一人祭酒二人並駕一在左右次司徒引從駕駟中道次司空引從駕駟中道三公騎令史戟各八人鼓吹各一部七人次中護軍中道駕駟鹵簿左右各二行戟楯在外弓矢在內鼓吹一部七人次步兵校尉在左長水校尉在右並駕一鹵簿左右二行戟楯在外刀楯在內鼓吹各一部七人次驍騎將軍在左游擊將軍在右並駕一皆鹵簿左右各二行戟楯在外刀楯在內鼓吹各一部七人騎隊五在左五在右隊各五十四匹命中督二人分領左右各有戟吏二人麾幢揭鼓在隊前次左將軍在左前將軍在右並駕一皆鹵簿左右各二行戟楯在外刀楯在內鼓吹各一部七人次黃麾騎中道次黃門前部鼓吹左右各一部十三人駕駟八校尉佐仗左右各四行外大戟楯次九尺楯次弓矢弩並熊渠欽飛督領之

次司南車駕駟中道護駕御史騎夾左右次謁者僕射駕駟中道次御史中丞駕一中道次武賁中郎將騎中道
次九旂車中道武剛車夾左右並駕駟次雲罕車駕駟中道次闕戟車駕駟中道長戟斜偃向後次皮軒車駕駟
中道次鸞旗車中道建華車分左右並駕駟次護駕尙書郎三人都部郎中道駕部在左中兵在右並騎又有護
駕尙書一人騎督攝前後無常次相風中道次司馬督在前中道左右各司馬史三人引仗左右各大行外大戟
楯二行次九尺楯次刀楯次弓矢次弩次五時車左右有遮列騎次典兵中郎中道督攝前卻無常左殿中御史
右殿中監並騎次高蓋中道左輦右罕次御史中道左右節郎各四人次華蓋中道次殿中司馬中道殿中都尉
在左殿中校尉在右左右各四行細楯一行在弩內又殿中司馬一行殿中都尉一行殿中校尉一行次柁鼓中
道次金根車駕六馬中道太僕大將軍參左右又各增三行爲九行司馬史九人引大戟楯二行九尺楯一行刀
楯一行細弩一行跡禽一行槌斧一行刀楯一行連細楯殿中司馬殿中都尉殿中校尉爲左右各十二行金根
車建青旗旂十二左右將軍騎在左右殿中將軍持鑿腦斧夾車車後衣書主職步從六行合左右三十二行次
曲華蓋中道侍中散騎常侍黃門侍郎並騎分左右次黃鉞車駕一在左御磨騎在右次相風中道次中書監騎
左祕書監騎右次殿中御史騎左殿中監騎右次五牛旗赤青在左黃在中白黑在右次大輦中道大官令丞在
左太醫令丞在右次青立車次青安車次赤立車次赤安車次黃立車次黃安車次白立車次白安車次黑立車
次黑安車合十乘並駕駟建旗十二旂如車色立車正豎旗安車斜拖之次闕猪車駕駟中道無旗次耕根車駕
駟中道赤旗十二旂熊渠督左伋飛督右次御輅車次御四望車次御衣車次御書車次御藥車並駕牛中道次
尙書令在左尙書僕射在右又尙書郎六人分左右並駕一又治書侍御史二人分左右又侍御史二人分左右

又蘭臺令史分左右並騎次豹尾車駕一自豹尾車後而鹵簿盡矣但以神弩二十張夾道至後部鼓吹其五張神弩置一將左右各二將次輕車二十乘左右分駕次流蘇馬六十四次金鉞車駕三中道左右護駕尙書郎并令史並騎各一人次金鉦車駕三中道左右護駕侍御史并令史並騎各一人次黃門後部鼓吹左右各十三人次戟鼓車駕牛二乘分左右次左大鴻臚外部掾右五官掾功曹史並駕一次大鴻臚駕駟戟吏六人次大司農引從中道大鴻臚主簿主記右少府引從次三卿並騎吏四人鈴下二人執馬鞭辟車六人執方扇羽林十人朱衣次領軍將軍中道鹵簿左右各二行九尺楯在外弓矢在內鼓吹如護軍次後軍將軍在左右軍將軍在右各鹵簿鼓吹如左軍前軍次越騎校尉在左屯騎校尉在右各鹵簿鼓吹如步兵射聲次領護驍騎遊軍校尉皆騎吏四人乘馬夾道都督兵曹各一人乘馬在中騎將軍四人騎校鞞角金鼓鈴下信幡軍校並駕一功曹吏主簿並騎從轍扇幢麾各一騎鼓吹一部七騎次領護軍加大車斧五官掾騎從次騎十隊隊各五十四將一人持幢一人持鞞一人並騎在前督戰伯長各一人並騎在後羽林騎督幽州突騎督分領之郎部十隊隊各五十人絳總將一人騎鞞角各一人在前督戰伯長一人步在後騎皆持稍次大戟一隊九尺楯一隊刀楯一隊弓一隊弩一隊五隊隊各五十人黑袴褶將一人騎校鞞角各一人步在前督戰伯長各一人步在後金吾督將並領之其

屬車因後漢制

復制御衣御書御輅御藥等車駕牛四望輅皂輪小形

東晉屬車五乘而已加綠油幢朱絲絡飾青交路黃金塗五末

其輪轂猶素兩箱無金錦之飾其一車又是輅車舊儀天子所乘駕六元興中屬車唯九乘苻堅敗又得僞車輦增爲十二乘 宋孝建中尙書令建平王宏議屬車起秦八十一乘及三十六乘並不出經典自胡廣蔡邕傳說耳又是從官所乘非常副車正數江左五乘則儉不中禮帝王文物旗旛皆十二爲節令宜依禮十二乘爲制

後魏道武帝天興二年命禮官采古法制三駕鹵簿一曰大駕設五輅建太常屬車八十一乘平城令代尹司隸校尉丞相奉引太尉陪乘太僕御從輕車介士千乘萬騎魚麗鴈行前驅皮軒闐闐芝蓋雲罕指南後殿豹尾鳴笳唱上不作鼓吹軍戎大祠則設之二曰法駕屬車三十六乘平城令代尹太尉奉引侍中陪乘奉車都尉御巡狩小祠則設之三曰小駕屬車十二乘平城令太僕奉引常侍陪乘奉車郎御遊宴離宮則設之天賜二年初改大駕魚麗鴈行更爲方陣鹵簿列步騎內外爲四重列標建旌通門建五色車旗各處其方諸王導從在甲騎內公在幢內侯在步稍內子在刀楯內五品朝臣夾列乘輿前兩箱官卑者先引王公侯子車後魏制除伯男爵旒麾蓋信幡及散官襍服一皆絳黑 隋煬帝大業初復備大駕屬車備八十一乘並如犢車紫通幟朱綵絡黃金飾駕一牛在鹵簿中單行正道後帝嫌多大駕減爲三十六乘法駕宜用十二小駕除之可也 大唐大駕屬車十二乘大駕行幸則分前後施於鹵簿之內若大陳設則分左右施於衛內其鹵簿制具開元禮

通典卷六十七

唐

京

兆

杜

佑

君

卿

纂

禮二十七 嘉十二

天子敬父母 漢 魏 晉

虞舜踐帝位乃載天子旌旗往朝瞽瞍唯謹以子道

漢高帝五日一朝太公後加尊號爲太上皇

具追尊

魏

廢帝常道公璜景元元年十一月燕王表賀冬稱臣

帝卽燕王字之子字稱臣故以爲疑

詔曰古之王者或有不臣今王宜依此表

不稱臣乎又當爲報答夫係大宗者降其私親況所係者重耶若使同之臣妾朕所未安其皆依禮據典當務盡

其儀有司議奏以爲禮莫崇於尊祖制莫重於王典陛下紹大宗之重崇三祖之業伏惟燕王禮尊屬戚正位藩

服躬秉虔肅以先萬國其於王典闡濟大順誠宜割以非常之制奉以不臣之禮臣等評議以爲燕王章表可聽

如舊式中詔所施宜曰皇帝敬問大王侍御議又云至於制書國之舊典朝廷所以辨章於天下者也宜循法故

云制詔燕王議又曰凡詔命制書奏事上書文書有應稱燕王者皆云上字其非宗廟助祭之事不得稱王名奏

事上書及吏人皆不得觸王諱以彰殊禮加於羣后庶上遵王典尊祖之制俯順聖旨敬承之心

晉何琦議曰

父母之尊擬則天地君親之道資敬是同今承受命運君臨率土而父以子尸天位不敢子天子以明王者之道

而子以爲雖天子必有尊也推斯以言父自必臣天位之君而子自必尊天性之父

皇后敬父母 後漢 晉 東晉

後漢獻帝皇后父屯騎校尉不其亭侯伏完朝賀公廷完拜如衆臣及皇后在離宮后拜如子禮三公八座議或

以爲皇后天下之母也完雖后父不可令后獨拜於朝或以爲當交拜令后存人子之道完不廢人臣之義又子尊不加於父母雖曰天王后猶曰得季姜欲令完獨行父法后專奉子禮公私之朝后當獨拜或以爲皇后至尊父亦至親交拜則父子無別完拜則傷子道后拜則損至尊欲令公朝者完拜如衆臣於私宮后拜如子不知四者何是正禮鄭元議曰四者不同抑有由焉天子所不臣三其一后之父母也天子尙有不臣者況於后乎春秋魯隱公二年紀履緌來逆女冬伯姬歸於紀又桓九年祭公來遂逆王后於紀九年紀季姜歸於京師或言逆女或言逆王后蓋義有所見也女雖嫁爲隣國夫人其尊無以加於父母嫁於天子者此雖已女成言曰王后明當時之尊得加父母也紀季姜歸於京師更補其字者得行禮而戒之其尊安可加父母耳今不其亭侯在京師禮事出入宜從臣禮若后適離宮及歸寧父母從子禮丞相徵事邴原駁曰考經云父子之道天性也明王之意先陳事父之孝女子子出嫁降其父母婦人外成不能二統耳春秋左氏傳曰紀履緌來逆女列國尊同逆者謙不敢自成故以在父母之辭言之禮敵必三讓之義也祭公逆王后於紀者至尊以無外辭無所屈成言曰王后紀季姜歸於京師尊已成稱季姜從紀子尊不加於父母之明文也如皇后於公庭官僚之中令父獨拜違古之道斯義何施漢高五日一朝太上皇家令譏子道不盡欲微感之令太上皇擁篲却行稱臣雖去聖久遠禮文闕然父子之義五品之常不易之道寧爲公私易節公庭則爲臣在家則爲父是違禮而無常也言子事父無貴賤又云子不爵父 晉武帝太康元年楊皇后親蠶儀注曰皇后乘輦羣臣皆拜安昌君平立安昌君楊皇后父也至壇下輦后乃拜安昌君及升壇后乃爲安昌君設榻於其位至還后復拜 東晉穆帝永和九年褚太后見父博士胡訥議從漢邴原議又按武帝楊后公庭之內皇后拜安昌君也則公羊傳子尊不加於父母焉博士徐禪依鄭元議曰

臣聞成均之法導以忠孝歷代同之故鄭元議王庭正君臣之禮私覲全父子之親是大順之道接先朝羊元之
羊后之父也公朝之敬躬秉臣節后之歸寧亦執子道雖無記注令朝士備職而先習儀乃太康中事至惠帝之
代元之便自不可同漢代四說之異歷代垂疑此論不成由來尙矣中書監何充曰如禪所正可勅御史左將軍
入在公庭則修臣敬皇太后歸寧之日則全子禮申諭內外奉行太后詔典禮未詳情所未安司徒蔡謨議父子
天倫之極尊也君臣人爵之至敬也先王之制不以人爵之貴加於天倫之尊經曰雖天子必有尊也言有父也
是以虞舜漢祖雖身為帝父為匹夫敬事之禮不異畎畝之中此先聖之遺範也鄭元注禮言子事父無貴賤又
云子不爵父嫌卑之也加其爵位猶所不敢況乃南面而受拜乎今皇太后雖臨朝王者之父本無拜禮何充又
奏依鄭元議君臣父子之道存焉燕王稱臣於魏寶武錄尙書於漢已行之舊典也燕王魏廢帝父太后詔具所
啟舊典誠無以相易然此實所悚懼不寧者也臣何充與庚翼書請將軍還朝值太后臨朝時議諸侯雖后父乃晉
賈武雖受爵太后錄尙書事而漢無拜文為疑故恐大義乖錯諸侯既不拜便是異姓太上皇也此魏魏亦庶姓
不敢安翼答曰中古以上未有母后臨朝女主當陽者也乃起漢耳雖或權宜僕所不然處也代主雖有幼蒙萬
機寄於冢宰無以坤得臨乾矣當今后德賢明諸侯肅正得命參貳阿衡遐邇之幸議者謂燕王不足為準寶武
無拜文此制不出賢聖也武既受其爵位亦無不拜禮也鄭君之言適合情理今太后既臨天位諸侯便是人臣
人臣而不拜君位受官而不循天則切所不安若不遠準古義雖為天王后猶曰吾季姜漢以前事不與今同漢
加太上皇太上未見崇戴即是子為天子而父為士者耳乃建崇號位冠帝王為喻也今諸侯由來晉臣不可得
準

養老虞 夏 商 周 後漢 魏 後魏 北齊 後周 大唐

虞氏深衣而養老

凡養老之服皆其時王所與羣臣燕之服也有虞氏質深衣而已孔穎達云人君養老有四種

一 是養三老五更二是子孫為國死難而王養死者父祖三是養致仕之老四是引戶校年養
庶人之老
四代皆然
養國老於上庠
養庶老於下庠
而用燕禮
庠養也上庠右學大學也在西郊下
其禮尙矣憲養氣體而

不乞言憲法也養之為法其德有善則記之為傳史原者也夏氏燕衣而養老向黑衣裳養國老於東序

庶老於西序而用饗禮東序東膠也亦太學在國殷人縞衣而養老殷尚白而養國老於右學養庶老於左學

而用食禮食音嗣周制元衣而養老素裳養國老於東膠言料也養庶老於虞庠虞庠在國之西郊皆學名也

相變耳或上西或上東或貴在國或貴在郊周之小學兼用虞燕夏饗殷食之禮食養陰氣陽用春夏陰用秋冬

夏官羅氏仲春羅春鳥獻鳩以養國老春鳥變舊為新宜以養老助生氣也月令仲秋天子養衰老授几杖行糜

粥飲食行禮也五十養於鄉六十養於國七十養於學達於諸侯養老同也八十拜君命一坐再至九十使人受命

君不親饗食必凡三王養老皆引年已而引戶校年當行復除也乞言合語之禮皆小樂正詔之於東序乞言養

賢者因從其善言可行者也合語鄉射鄉飲酒凡大合樂必遂養老大合樂謂春入學釋菜合舞秋碩學政合璧

大射燕射之屬也鄉射記曰古者於旅也語凡大合樂必遂養老於是時也天子則視學焉遂養老者謂用其

明日天子視學大昕鼓徵所以警眾也早味爽擊鼓以召眾警猶起也眾至然後天子至乃命有司行事興秩節

祭先師先聖焉與猶舉也秩常也節猶禮也便有司攝其事舉常禮有司卒事反命于乃入始之養也又之養

凡大合樂必遂養老是適東序釋奠於先老親奠之者已所有事也養老遂設三老五更羣老之席位焉三老五

人也皆老年更事致仕者也能更知三德五事者也天子父兄養之示天下之孝悌也名適饌省醴養老之珍具

親視其遂發詠焉退修之以孝養也發詠謂以樂詠之退修之謂既反登歌清廟工於西階上歌清廟以樂之

既歌而語以成之也言父子君臣長幼之道語談說也歌備而旅旅而下管象舞大武象武周武王有司告以樂

闕也王乃命公侯伯子男及羣吏曰反養老於東序終之以仁也羣吏鄉送之官王於燕之末而命諸侯特朝

食三老五更天子袒而割牲執醬而饋執爵而醋冕而總干所以教諸侯之悌也冕而總干親在舞位也三者道

壽也詩云方叔元老壽稱無疆耆老之言則問所愆五者並訓於五品更者更也五代易子更相代也言其能以善道更改己也故三老五更皆取有道妻男子完具者為之鄭元曰老更互言之矣皆老人更知三德五事者也

秦皇曰更 後漢明帝永平二年三月以李躬為三老桓榮為五更帥羣臣養於辟雍月令章句曰三老國老也

曰三老五更三代所尊安車駟輪迎至案天子先吉日司徒上太傅若請師故三公人名用其德行年耆高者獨拜於屏鄧長曰漢直以一公為三老五更無常皆服都絰大袍單衣皂緣領袖中衣冠進賢扶玉杖

一人為三老次一人為五更也盧植曰遇三公老者為三老皆服都絰大袍單衣皂緣領袖中衣冠進賢扶玉杖

五更亦如之不杖皆齋於太學講堂其日乘輿先到辟雍禮殿御坐東廂遣使者安車軟輪迎送三老五更天子

迎於門屏交禮升自阼階三老升自賓階至階天子揖如禮三老升東面三公設几九卿正履天子親袒割牲執

醬而饋執爵而酌祝饌在前祝饌在後五更南面三公進供禮亦如之譙周五經然否曰漢初或云三老答天子

臣欲令三老答拜城門校尉董鈞駁曰養三老所以教事父之道也若答拜是使天下答子拜也譙周論曰禮尸服上服以非親之故答子拜士見異國君亦答士拜是皆不得禍猶子也虞嘉曰漢儀於門屏交禮交禮即答

拜矣中興禮從鈞議明日皆詣闕謝恩以見禮遇大尊著故也和帝以魯丕為三老安帝亦以魯丕為三老又以

李充為三老元初四年詔曰月令仲秋養衰老授几杖行糜粥方今八月按比之時郡縣多不奉行雖有糜粥糠

粃泥土相半不可飲食後月令施政事靈帝以衰逢為三老賜以玉杖玉杖長九尺端以鳩為飾鳩者魏高貴

鄉公甘露二年天子親帥羣司行養老之禮於太學命王祥為三老鄭小同為五更祥南面几杖以師道自居天

子北面乞言祥陳明王聖帝君臣政化之要以訓之聞者莫不砥礪 後魏孝文帝太和十六年詔以前司徒尉

元為三老前大鴻臚卿游明根為五更於明堂設國老位庶老位於階下皇帝再拜三老親袒割牲執醬而饋執

爵而酌於五更行肅拜之禮賜國老庶老衣服有差既而三老言曰自古人所崇莫重於孝順五孝六順天下之

所先願陛下重之以化四方帝曰孝順之道天地之經今承三老明言銘之朕懷五更言曰夫至孝通靈至順感

幽故經云孝悌之至通於神明光於四海願陛下念之以濟黎庶帝曰五更助三老以言至範敷展德音當克已復禮以行來授禮畢乃賜步輓一乘詔曰三老可給上公之祿五更可食九卿之俸供養之味亦同其例北齊制仲春令辰陳養老禮先一日三老五更齋於國學皇帝進賢冠元紗袍至辟雍入總章堂列宮懸王公以下及國老庶老各定位司徒以羽儀武賁安車迎三老五更於國學並進賢冠元服黑烏素帶國子生黑介幘青衿單衣乘馬從以至皇帝釋劍執珽迎於門內三老至門五更去門十步皆降車以入皇帝拜三老五更擗齊答拜皇帝揖進三老在前五更在後升自右階就筵三老坐五更立皇帝升堂北面公卿升自左階北面三公授几杖卿正履國老庶老各就位皇帝拜三老羣臣皆不拜五更乃坐皇帝西面肅拜五更進珍饈食親祖割牲執醬以饋執爵而酌以次進五更乃設酒醴於國老庶老皇帝升御坐三老乃論五孝六順典訓大綱皇帝虛躬請授禮畢而還又都下及外州人年七十以上賜鳩杖黃帽有勅則給不爲常也後周武帝保定三年詔以太傅燕國公于謹爲三

老賜延年杖皇帝幸大學以食之三老入門皇帝迎拜門屏之間三老答拜設三老席於中楹南向太師晉國公宇文護升階設几於席三老升席南面憑几而坐大司徒寇楚國公豆盧寧升階正寫皇帝升立於斧扆之前西面有司進饌皇帝跪授醬豆親祖割牲三老食訖皇帝又親跪授爵以醕撤去皇帝北面立訪道三老乃起立於席後皇帝曰猥當天下重任自惟不才不知政理之要公其誨之三老答曰木從繩則正后從諫則聖自古明王聖主皆虛心納諫以知得失天下乃安惟陛下念之又曰爲國之本在乎忠信是以古人云去食去兵信不可失國家廢興在乎賞罰若有功必賞有罪必罰則爲善者日益爲惡者日止若有功不賞有罪不罰則天下善惡不分下人無所措手足又曰言行者立身之本言出行隨誠宜相顧陛下三思而言九慮而行若不思不慮必有過失

天子之過事無大小如日月之蝕莫不知者願陛下慎之三老言畢皇帝再拜受之三老答拜禮成而出 大唐
制仲秋吉辰皇帝親養三老五更於大學所司先奏定三師三公致仕者用其德行及年高者一人爲三老次一
人爲五更設三老座於西楹之東近北向南設五更座於西階上東向設國老三人座於三老座西俱不屬焉設
衆老座於堂下西階之西東面北上五品以上致仕者爲國老六品以下致仕者爲庶老天寶八載閏六月制其天下百姓丈夫七十五以
上婦人七十以上宜各給中男一人充侍仍任官簡擇至八十以上依常式處分餘並如開元禮

天子拜敬保傅太子及諸王見師禮附 漢 晉 大唐

漢張禹嘗爲成帝師帝尊寵之每疾輒以起居聞謂其飲食廢臥之增損也帝自臨問之親拜禹牀下禹頓首謝恩因歸誠言
老臣有四男一女愛女甚於男遠嫁爲張掖太守蕭咸妻不勝父子私情思與相近帝卽時徙咸爲弘農太守又
禹少子未有官帝臨候禹禹數視之帝卽禹牀下拜爲黃門郎給事中 晉成帝詔曰曲陵公等宣力前朝致勳
皇家以德義優弘兼保傅朕躬朕遭家不造奄在哀疚稟訓未究誤事窮感其一遵先帝尊崇師傅之教拜敬加
以明傳崇德永奉遺範尙書令卞壺等奏曰臣歷觀紀籍禮經無拜臣之制雖漢成帝拜張禹庸主凡臣不足爲
範或說師臣友臣師模其道又未見其拜也至於先帝之拜司徒導特以元皇帝興自藩國布衣之交拜在人臣
之日故率而不改陛下尊順先典服膺禮中未宜降南面之尊拜北面之臣大教有違名體不順事應改正太后
詔尊師重道帝王之所宜務況童幼方賴師訓之成宜令一遵先帝崇賢之禮壺又奏臣考先典之極無過於周
公而周史無拜敬之禮禮記稱王者入學躬拜三老此一朝之敬猶子冠而母拜之豈可終身行焉太后詔帝須
成人更詳師傅之禮 大唐貞觀十一年太宗語魏王泰曰禮部尙書兼魏王師王珪汝之事師如事我也泰每

先拜珪珪亦以師道自居物議善之十七年詔令撰三師儀注太子出殿門迎先拜三師答拜每門讓三師坐太子乃坐與三師書前名惶恐後名惶恐再拜

諸王公主敬姑叔大唐

大唐神龍元年制曰近代以來罕遵軌度王及公主曲致私情姑叔之尊拜於子姪違法背禮情用惻然自今以後宜從革弊宣告宗屬知朕意焉先是諸王及公主皆以親爲貴天子之子見諸姑叔先拜若制書則稱爲啟事帝志欲敦敘親族故下制以革斯俗

羣臣致敬太后父晉

晉鄧監軍教出袁歷陽書參佐綱紀議爲褚太后父在將軍施敬不同司馬黃整議夫子有云必也正名乎王者象天后者法地爲兆庶父母尊莫重焉厚莫大焉若以后尊宜敬於親於后父也便應有敬錯之禮典先無茲比今皇太后臨統朝政以主上富於春秋耳故是本尊之尊無得異也且諸侯爲國藩翰北面稽首豈可得推崇爲太上邪尋名定議謂不應施敬也

羣臣侍坐太子後至

并公卿致敬太子東宮臣上殿疏見公卿儀百官上表不稱其名附晉大唐

晉制皇帝會公卿座位定儀太子後至孫毓以爲羣臣不應起禮曰父在斯爲子君在斯爲臣侍坐於所尊見同等不起皆以爲尊無二上故有所厭之義也昔衛綰不應漢景之召釋之正公門之法明太子事同於羣臣羣臣亦統一於所事應依同等不起之禮明帝太寧二年詔曰漢魏以來尊崇儲貳使官屬稱臣朝臣咸拜此甚無謂今太子衍幼冲之年使臣先達將令所習所見謂之自然此豈可以教之邪令內外通議尙書令卞壺議以爲春